

---

# KENYA NATIONAL EXAMINATION COUNCIL

## KCPE 2009

### KISWAHILI PAPER

Coordinated by KENPRO,  
Macjo Arcade, 4th Floor, Suite 15E,  
Off Magadi Road, Ongata Rongai | Tel: +254202319748 |  
E-mail: [infosnkenya@gmail.com](mailto:infosnkenya@gmail.com) | Website: [www.schoolsnetkenya.com](http://www.schoolsnetkenya.com)

# KCPE KISWAHILI 2009

Soma vitungo vifuatavyo. Vina nafasi 1 mpaka 15. kwa kila nafasi umepewa majibu manne hapo. Chagua jibu lifaalo zaidi kati ya yale uliyopewa.

Kipepesi ni njia mojawapo 1 sana siku hizi 2 mawasiliano. Njia 3 hutumika zaidi ofisini 4 ni kati ya matokeo ya maendeleo ya kiteknologia 5 dunia kuwa duara ndogo 6 walimwengu huweza 7 kwa njia rahisi.

- | A                | B              | C              | D              |
|------------------|----------------|----------------|----------------|
| 1. zilizotumika  | zinazotumika   | inayotumika    | iliyotumika    |
| 2. katika        | kuhusu         | ndani ya       | mbali na       |
| 3. hiyo          | hizi           | hizo           | hii            |
| 4. ama           | aidha          | na             | au             |
| 5. iliyoiwezesha | yaliyoiwezesha | iliyoliwezesha | yaliyoiwezesha |
| 6. ambayo        | ambao          | ambapo         | ambalo         |
| 7. kuwasiliana   | kuwasilisha    | kuwasilishwa   | kuwasilishiana |

Kuweko kwa 8 ya UKIMWI 9 swala la mjadala tena. 10 ni watoto wachanga tu ambao 11 ukweli huu 12. Hata hivyo, Hatuwezi kupoteza tumaini 13. Wanasayansi wa humu nchini na kwingineko duniani 14 wanaendelea na 15 wao kutafuta tiba.

- | A             | B         | C        | D          |
|---------------|-----------|----------|------------|
| 8. magonjwa   | maradhi   | uwele    | ukongo     |
| 9. ni         | si        | ndio     | sio        |
| 10. Kwa vile  | Angalau   | lkiwa    | Labda      |
| 11. hawaujui  | wanujua   | huujua   | hawakuujua |
| 12. mchungu   | mkubwa    | ukubwa   | uchungu    |
| 13. pia       | kweli     | kabisa   | hakika     |
| 14. walikuwa  | wangekuwa | wanakuwa | wangali    |
| 15. upelelezi | udodosi   | uamuzi   | utafiti    |

**Kutoka swali la 16 mpaka 30. Chagua jibu lililo sahih**

16. "Ka" imetumiwaje katika sentensi:  
Mvulana aliwasili nyumbani, akavua nguo, akafululiza jikoni, akala?  
A. kuonyesha hali ya kuendelea kwa matukio  
B. kuonyesha hali ya kufuatana kwa matukio  
C. kuonyesha hali ya masharti.  
D. Kuonyesha hali ya wakati uliopita.
17. Kanusha sentensi hii:  
mahali kuliko na gharika kwahitaji msaada.  
A. mahali kuliko na kiangazi hakuhitaji msaada .  
B. mahali kuliko kiangazi kwahitaji msaada.  
C. Mahali kusiko na gharika kwahitaji msaada  
D. Mahali kusiko na gharika hakuhitaji msaada.
18. Chagua jawabu lisilo sahihi.  
A. paa ni mnyama  
B. Paa ni kwenda juu  
C. Paa ni sehemu ya mbele ya uso  
D. Paa ni sehemu ya juu ya nyumba.
19. Geuza katika usemi wa taarifa  
Mwalimu aliwaambia wanafunzi,

"Tutakamilisha shughuli ya kudurusu kwa kufanya mtihani muhula huu"

- A. Mwalimu aliwaarifu wanafunzi kuwa wangekamilisha shughuli ya kudurusu kwa kufanya mtihani muhula huo.  
B. Mwalimu aliwaarifu wanafunzi kuwa wangekamilisha shughuli ya kudurusu kwa kufanya mtihani muhula huu.  
C. Mwalimu aliwaarifu kuwa watakamilisha shughuli ya kudurusu kwa kufanya mtihani muhula huu.  
D. Mwalimu aliwaarifu wanafunzi kuwa watakamilisha shughuli ya kudurusu kwa kufanya mtihani muhula huo.
20. "Wa" imetumikaje katika sentensi:  
Uzi mweupe wa kushonea umenunuliwa?  
A. Kuonyesha kumiliki  
B. Kuonyesha matumizi  
C. Kuonyesha kitenzi  
D. Kuonyesha hali
21. Panga vifungu vifuatavyo kuunda sentensi sahihi.  
(ii) huyafukua  
(iii) kila tukipanda  
(iv) mahindi

- (v) na kuyala  
(vi) kuchakulo  
A. (ii), (iii), (v), (i), (iv)  
B. (i), (iv), (iii), (v), (ii)  
C. (ii), (iii), (iv), (v), (i)  
D. (i), (v), (ii), (iii), (iv)
22. Nomino kutokana na kitenzi 'nyamaa' ni:  
A. Nyamazia B. kunyamavu  
C. Nyamaza D. unyamavu
23. Zabuni ni:  
A. kuuza kwa kuongezea bei  
B. kuuza kwa kushindania bei  
C. kuuza kwa rejareja  
D. kuuza kwa kukopesha
24. Ni methali ipi iliyo na maana tofauti na maelezo haya? Ukisoma ukurasa mmoja mmoja utakamilisha kitabu chote.  
A. Bandu bandu huisha gogo.  
B. Chovya chovya humaliza buyu la asali  
C. Tone na tone bahari hujaa  
D. Chururu si ndo ndo ndo
25. Changua kiwakilishi katika sentensi:  
Huyu anaupinga vikali ufisadi  
A. ufisadi  
B. vikali  
C. anaupinga

- D. huyu
26. Mazingira, machozi na mate ni nomino katika ngeli ya  
A. YA-YA B. I-ZI  
C. LI-YA D. U-YA
27. Chagua kiambishi kifaacho kujazia pengo:  
Farasi hata \_\_\_\_\_ shinda nyumbu  
A. i B. ii C. m D. zi
28. Chagua neno lenye maana sawa na minghairi ya:  
A. mradi B. pasipo  
C. isipokuwa D. bali
29. Jibu la kitendawili  
Afahamu kuchora lakini hajui achoracho ni:  
A. mjusti  
B. kobe  
C. konokono  
D. nyoka
30. Chagua sentensi ambayo imetumia kihisishi kifaacho.  
A. Simile! Mpishe mwenye mzigo  
B. Pole jamani! Mmepata afueni nyote.  
C. Alhamdulillah! Mali yote imeporwa.  
D. Pukachaka! Amependekeza suluhisho nzuri.

**Soma kifungu kifuatacho kisha ujibu maswali 31 – 40**

Jamii thabiti huhitaji misingi madhubuti ya makuzi ya watoto. Hoja ya wazazi isiwe tu kujitafutia mali kiholela bali iwe ni kuwatambua warithi wa mali inayotafutwa. Hii ndiyo maana wazazi wengi leo hujikusuru kuisimamisha misingi ya malezi bora ya watoto kwa kuwasomesha.

Kumsomesha mtoto tu bila msingi wa nidhamu ni kama kulijenga jumba la ghorofa bila msingi imara na kuporomoka kwake si ajabu. Vijana wanapaswa kuelewa umuhimu huu ili wawe tayari kuupokea uongozi na urathi wa jamii.

Misingi madhubuti ya kinidhamu hujengwa tangu watoto wakianza kutambua mambo. Kungoja mpaka mtoto awe mkubwa ndipo aanze kufunzwa maadili ni kama kujaribu kumkunja samaki akiwa tayari amekomaa na kuwa mkavu; udongo tuuwahi uli maji.

Hapo kale mambo yalikuwa tofauti. Mtoto aliweza kukosolewa na mtu yeyote yule hata kama alikuwa ni mpita njia. Watoto walikwa ni wa jamii, hulka zao zilionekana mapema kama vile nyota njema zionekavyo alfajiri. Watoto walikuwa wakitenda mambo huku wakijihisi kuwa wanakodolewa macho na jamii. Hisia hizo ziliwafanya watoto kujichunguza, kujiasa na kutenda kila jambo kwa tahadhari. Watoto waliwaheshimu watu wazima bila kushurutishwa, hali ambayo ilijenga uhusiano mzuri katika jamii.

Mtoto afunzwaye adabu ipasavyo kawaida hawezi kutetereka popote alipo, shuleni au nyumbani. Mtoto kama huyo kufanywa zumbukuku na watovu wa nidhamu sio rahisi, bali ataweza kuchukua nafasi ya walimu na wazazi kuyapitisha maadili mwafaka kwa wenzake. Mtoto huyo hukuza mbegu bora katika jamii. Yeye hujistahi, huwa na bidii na uvumilivu mwingi. Wazazi wakilea watoto wa aina hii na wawaongeze mafunzo ya kidini, jamii itakuwa na uhakika wa kuwa na warithi bora. Watoto hao wataweza kuchangia pakubwa katika maendeleo ya nchi kwa jumla.

Ipo haja kubwa sasa ya kuacha kung'ang'ania kasumba na tamaduni za kigeni katika malezi. Tuache ubaguzi, uvivu na ubinafsi ili kuwapa watoto mifano bora na miangaza ya kuwakuza kifikira, kielimu, kiuchumi na kitamaduni. Jamii isipuuzie kutoa michango yake katika urekebishaji wa watoto. Mathalani, ni makosa mtu kuacha kumkosoa mtoto atendaye mambo ya kuyahatarisha maisha yake na ya wenzake.

Watoto hata nao wana jukumu katika kuyaimarisha maisha yao. Wanapaswa kuziepuka tabia zote mbaya hata ikiwa hawapewi misingi makwao. Wanaweza kuziiga jamii nyofu kinidhamu hata ikiwa sio wazazi wao na kuyatupilia mbali mambo maovu ambayo yanawazunguka katika jamii. Ni vizuri wajue kuwa urithi bora ni ule wa kuiga tabia nzuri, bidii na kupata elimu yenye manufaa.

31. Kulingana na kifungu, misingi bora ya watoto hukuzwa kwa:
- wazazi kutotafuta mali na kuwasomesha waridhi
  - kuujua umuhimu wao na kuwapa maelekezi
  - kuwa na misingi madhubuti shuleni
  - kufunza watoto kujiruhusu kiuchumi
32. Maana ya "kuporomoka kwake si ajabu" ni?
- haishangazi ikiwa ghorofa itaanguka
  - malezi ya watoto kuharibika si kazi
  - wazazi kushindwa malezi si ajabu
  - kufunza watoto kujiruhusu kiuchu
33. Amekomaa na kuwa mkavu; huweza kulinganishwa na:
- ugumu wa malezi
  - madhara ya ucheleweshaji wa kutunza
  - madhara ya ucheleweshaji wa masomo ya watoto
  - ugumu wa kuwakosoa watoto
34. Watoto wa zamani \_\_\_\_\_.
- walielewa kwa ugumu
  - waliwaogopa wazazi waliowalea
  - walikomaa kwa haraka
  - walielewa kwa ushirikiano
35. Watoto kuhisi kuwa wanatazamwa na jamii kuliwafanya waweze:
- kuthamini jamii zaidi
  - Kuiogopa jamii majumbani
  - Kuwajibika katika jamii
  - Kurekebisha tabia katika jamii
36. Kulingana na kifungu, ubaguzi katika malezi hutokea:
- wazazi wanapopuuza kurekebisha makosa ya watoto wao tu.
  - Wazazi wanapoanza kuwasomesha watoto wao tu
  - Jamii inapoanza kuwakodolea watoto macho bila kuwasaidia
  - Vijana wanapopuuza ushauri wa wanajamii wengine
37. Watoto hata nao wana jukumu katika kuyaimarisha maisha yao. Methali inayoweza kutumiwa kujumuisha maneno haya ni:
- mtoto umleavyo ndivyo akuavyo
  - ukishikwa shikamana
  - ukibebwa usilevyelevye miguu
  - mtoto akibebwa hutazama kisogo cha nina.
38. Warithi bora katika jamii hukuzwa kwa:
- Malezi bora na elimu
  - Kuheshimiwa na wakubwa
  - Malezi ya kizamani
  - Kuaminiwa na jamii.
39. Maana ya "hawezi kutetereka" ni:
- Hawezi kubabaika
  - Hawezi kupotoka
  - Hawezi kushawishika
  - Hawezi kutetemeka
40. Chagua neno lenye maana sawa na hujistahi kama lilivyotumiwa katika kifungu.
- |              |                 |
|--------------|-----------------|
| A. Hujisifu  | B. Hujipenda    |
| C. Hujiamini | D. Hujiheshimu. |

**Soma taarifa ifuatavyo kisha ujibu yafuatavyo 41 mpaka 50**

Asubuhi hiyo Tundu aliamka akiwa mchovu wa mwili na roho. Ulikuwa mwanzo wa siku ambayo kwake Tundu ilifanana na zingine za awali kama shilingi kwa ya pili. Katu haingempa matumaini mapya. Usiku alipita ulizongwa na hamaniko na mavune makubwa kutokana na shughuli za kutwa shuleni. Kutwa hii alikuwa amepewa adhabu ya kupalilia shamba la shule baada ya kukosa kufanya zoezi la hesabu. Ingawa kufanya adhabu kulikuwa mazoea yake Tundu, hii ya leo ilikuwa ya kipekee kwani hata baada ya kukamilisha, mwalimu mkuu alimpa nyongeza; alihitaji kuyafanya mazoezi mengine mawili zaidi na kumkabidhi mwalimu kesho yake asubuhi.

Tundu alijikokota kutoka kitandani kwa maumivu. Alijua kwamba hakuwa amekamilisha kazi aliyopewa na mwalimu mkuu. Fikira ya kumkabili mwalimu mkuu ilimtia fadhaa ya ajabu, ila alifahamu sababu ya fadhaa yake. Vituko vyake vilikuwa vimewakaba walimu koo. Alikuwa hahudhuri madarasa yake kwa desturi. Mara nyingi alitoka nyumbani alfajiri na mapema. Hata hivyo hakudiriki kufika shuleni; japo, kwa kweli alikuwa akivaa sare za shule kuwasadikisha wazazi kuwa anaenda shuleni. Wazazi wake walipojuzwa na walimu wake kuhusu tabia hii, walipigwa na butwaa wasijue la kusema. Waliwaambia walimu kwamba kila siku Tundu alikuwa akiondoka akiwa amevaa sare kamili ya shule, na aliporejea nyumbani magharibi alifululiza chumbani kudurusu kazi yake. Laiti wanalijua Tundu alikuwa akivaa magwanda yake ya 'kazi' ndani ya sare za shule na pindi tu apoteapo kwenye upeo wa macho ya wazazi, alikuwa akijitoma kwenye mashamba ya majirani kujichumia.

Baada ya kupata staftahi yake ambayo kwa kweli ilikuwa chai ya mkandaa, alivaa mavazi yake ya kawaida na kujiambia kwamba leo atamngojea mwenzake njiani waucheze 'mchezo' wake wa kawaida. Alipofika kwenye njia panda alivua sare yake ya shule na kubaki na vazi la 'kazi'. Mwanafunzi mwenzake kwa jina Karaha alijiunga naye na baada ya Tundu kumwelezea kuwa alichelea kuongezewa

adhabu na mwalimu mkuu, walikata shauri kulitembelea shamba la mwalimu mkuu ambalo lilikuwa mkabala na shule yao.

Shamba hili lilikuwa limeshiba miti iliyozaa matunda ya kila aina. Tundu, mate yalimdongoka alipokuwa akiyatundulia macho matunda haya. Umaskini wa familia yake ulisahaulika machoni pa utajiri huu asioulalia wala kuuamkia. Walinyata kimya kimya katikati ya miti hii, manyezi yakimkumbatia Tundu kwa nguvu. Hii haikuwa mara yake ya kwanza kufaidi jasho la wengine, hivyo hakusita kujuliza sababu ya uoga huo. Jambo ambalo Tundu hakutambua ni kwamba siku yake ya arubaini ilikuwa inabisha hodi.

Haukupita muda mrefu baada ya kuanza kuyatunda matunda kabla ya kusikia mrindimo wa nyayo. Kahara, ambaye hakuwa mzoefu wa vitimbi vya Tundu, alitoa macho pima kwa uoga. Tundu aliendelea kufurahia kiamsha kinywa chake hadi pale alipotahamaki kuguswa begani. Alipogeuka alijikuta ametazamana ana kwa ana na mwenye shamba. Tundu alishikwa na kitetemeshi asijue la kufanya. Alipoulizwa sababu ya tabia yake hii, alisema kwamba wazazi wake maskini hawakumudu kumtimizia mitihani yake ya kimsingi. Kahara naye aliachama asijue la kufanya.

Mkuu wa shule alisikitishwa sana na kitendo cha wanafunzi hawa. Alimshauri Tundu aache tabia hii na kuyazingatia masomo yake zaidi. Alimwonya Kahara dhidi ya kuwa bendera ambayo daima ufuata upepo. Aliwarudisha vijana hawa shuleni na baada ya kushauriana na walimu, alifanya mpango wa kumtafutia Tundu mshauri wa kumsaidia kurekebisha tabia yake.

41. Siku hii ilifanana na zingine za awali kwa sababu:
- A. Tundu aliamka akiwa mchovu
  - B. Usiku uliotangulia alikuwa na mambo mingi
  - C. Usiku uliotangulia hakuepuka adhabu
  - D. Tundu hakutarajia kupata lolote jema
42. Maana ya neno "ulizongwa" ni:
- A. ulijawa
  - B. uliingia
  - C. ulishikwa
  - D. ulivamiwa
43. Kulingana na kifungu
- A. aliyekosa kufanya mazoezi kila mara alipata adhabu mbili
  - B. kulikuwa na wanafunzi wachache mno wenye tabia kama Tundu
  - C. tundu hakupenda kufanya kazi yake shuleni
  - D. adhabu aliyopewa Tundu siku hii alikuwa ameizoea.
44. Tundu alichelea kutoka kitandani kwa sababu
- A. hakuwa amekamilisha kazi hivyo alimwogopa mwalimu mkuu
  - B. alikuwa mtovu wa nidhamu
  - C. aliogopa kuongezewa kazi na mwalimu
  - D. hakuwa mwenye adabu hivyo aliogopa kuadhibiwa na mwalimu mkuu.
45. "....alivaa mavazi yake ya kawaida" ina maana
- A. alivaa nguo na magwanda yake ndani
  - B. alivaa nguo na magwanda ya kawaida
  - C. alivaa sare na magwanda yake ndani
  - D. alivaa sare na nguo za nyumba
46. maana ya "wacheze 'mchezo' wake wa kawaida" ni:
- A. wavae magwanda yao ya kawaida
  - B. waibe katika mashamba ya majirani
  - C. watoroke tena kutoka shuleni

- D. walivamie shamba la mwalimu mkuu.
47. siku hii Tundu hakwenda shuleni kwa sababu
- A. hakutaka kupewa adhabu nyingine na mkuu wa shule
  - B. hakutaka kupigiwa kelele na mwalimu
  - C. alitaka kulipiza kisasi kwa mkuu wa shule
  - D. mkuu wa shule alikuwa ameyaingilia mambo yake
48. "Siku yake ya arubaini ilikuwa inabisha hodi" ina maana;
- A. uvivu wake ulikuwa karibu kugunduliwa
  - B. mkuu wa shule alikuwa karibu kumwadhibu vikali
  - C. mkuu wa shule alikuwa karibu kumpa onyo la mwisho
  - D. uovu wake ulikuwa karibu kugunduliwa
49. Matendo yanayoonyesha kuwajibika kwa walimu ni \_\_\_\_\_.
- A. kumrudisha Tundu shuleni, kumgusa begani, kumpa mashauri
  - B. kumtimizia Tundu mahitaji, kumwadhibu, kumfumana
  - C. kutoa adhabu, kutoa ushauri, kumrudisha Tundu shuleni
  - D. kumsikitia Tundu, kumrekebisha tabia, kumwonya
50. Kulingana na kifungu
- A. Kahara ana mazoea ya wizi
  - B. Kahara hana msimamo
  - C. Kahara aliadhibiwa na mwalimu
  - D. Kahara alirekebisha tabia